

好把精微測拯危救苦扶持溺扶持溺自然通道氣神和息

勸宋公輔

儒家急儒家不悟行屍客行屍客鑽研活路無遮無隔 令人
泛海誇強測豈思風浪扁舟溺扁舟溺此般甯忍勸君休息

勸回

休急急儒家本是蓬瀛客蓬瀛客謫居塵世暫時仙隔 亘初
一點殷勤測搜來端正難焚溺難焚溺回光返照修真調息

贈宋六郎

波波急波波急急憂愁客憂愁客恩山愛海萬遮千隔 遇予
出路須當測利名場上休投溺休投溺進修仙道塵情俱息

道藏輯要

洞玄金玉集

卷

胃集六
川川文

又

宋六急急謀生計為船客為船客洪波大浪並無遮隔 風濤
惡處如何測好燒船網隄防溺隄防溺不如閒坐謾調龜息

贈姑水遲二翁

遲二急代予開導為知客為知客勸人歸善不辭山隔 人焚
船網何曾測這船功行誠難溺誠難溺名傳世上自然無息

又

修持急修持裏面真賓客真賓客內懷心鏡暫時形隔 要通
靈顯須憑測亘初悟徹能離溺能離溺自然昭著萬緣齊息

贈邴三翁

聯珠